



**HAVAKVIAT NUNALLAARNIK
KAVAMATKUNULLU IKAYUUTAIT
NUNAVUNMI QULLIQTUUTINIK**

MALIGAGHALIUQHIMAYUNUT UQAUHIIT

Kavamatkut Nunavunmi (GN), aullaqtittiyut taapkuninga Nunavunmi Qulliqtuutinik Ataniqtuqtuivighat (NEMP). Hapkua pingahuuyut ilauyut: Nunavunmi Qulliqtuutinut Hanayauyughat, Qulliqtuqtunik Qauhimattiarniq Iliharniqlu, taamnalu Hanayut Qulliqtuqpallaqaqtailiniqmut Ihivriuqhiyit Nutaanut Hanayaghanut.

HAVAUHIGHAT

Una maligaghaliuqhimayuq hapkuninga havauhighanik maliktuq:

- Nunavunmi Qulliqtuutinik Ataniqtuqtuivighat tuniqhihimainnaqtut taapkuninga Havauhighanut Maliktaghat Kavamatkunnit Nunavunmi.
 - **Avatittinnik Kamatsiarniq:** ihumagittiarlugit munattiaqlugillu nuna, anngutighat avatiillu.
 - **Qanuqtuurniq:** Hanatuplutik pivighaqaqhutiklu.
- GN-kut ilitarihimayaat akittuqpalliania qulliqtuutit imarlu. Qullirnut imarmullu akighait akighivaallirahuaqtaghait ikighilaarahuaqhugillu mihingnautit avatinut.
- GN-kut ilitarihimayut taimaa havaktiit tamangnit havakvingnit havaqatigiiliqtughat taimaa ikighilaarahuaqlugit qulliqtuutit.
- GN-kut ilitarihimayaillu mihingnautit aulapkaqtitainit avatinut. GN-kut ikighilaarahuaqtut mihingnautinik atuqtittiylugu hapkua maligaghaliuqhimayut.

ATUQTIGHAT

Una maligaghaliuqhimayuq atuqtauyughaq tamangnit GN-kut havakviinit.

ILITTUQHITIT

Qulliqtuutinut Tutquumayat – akighainit tutquumayat talvuuna atuqtittiliqhugu qulliqtuqpallaqaqtailiniqmut havauhirnik kihinnguqhugit taapkua qulliqtuqpalliyut qulliqtuqpallaanngittullu hilamit, qullirnut akighait taapkualuuniit iklumiuqatigiit aallanngurumik.



HAVAKVIAT NUNALLAARNIK KAVAMATKUNULLU IKAYUUTAIT NUNAVUNMI QULLIQTUUTINIK

Hanatqiktut – Ilaaqturumik nutaanik hanayauhimagayunut ihuaqutighainik ingilrutinikluuniit ingniqutimut ikluqpangmulluuniit huittut akituvallaarumikluuniit ingniqutik ikluqpakluuniit hanayaulraaqvianit.

Iklupaliurviit – angiyuq-naallugit inungnut havauhiit, ikayuutit, ikluqpaghallu aviktuqhimayumi iharianaqtut manighiuqtunut havaaghanut, ikayuutiniklu aulapkaiaamik.

Havainnarianiktut Kaantulaaktit – Ikayuqtiuyuq havainnarianighimagayut pitquyauhimagayut malighugit kaantulaanginnit.

HAVAAGHAIT MUNAQTAGHAILLU

Ministauyuq Nunallaarnik Kavamatkunullu Ikayuutinik (CGS)

Ministauyuq CGS-kunnut qauhitivaktughaq Maligaliuqtinik atuqtittivallianiqlik maligaghaliuqhimayunik.

Ministauyum Tuklia CGS-kunni

Ministauyum Tuklia CGS-kunni munariyaghaat titiraliqiniqlik tamangnik titiraqhimayunik malighugu una maligaghaliuqhimayut taimaililuni:

- qauyihaglugit tamangnik havaaghariyayut pitquilitiklu Ministauyumut CGS-mik taimaalu
- naunaitkut katitighimagayut aviktuqhimayunit havakvingnit qauyihautigivagait ukiunit atuqhimayunit.

Tukliit Atanguyat (kivgaqtiilluuniit)

Tukliit Atanguyat (kivgaqtiilluuniit) taimailiyughat;

- havaqatigiittiaqlutik ikighilaarahuaqhgugit qulliqtuutit
- Ilalutik atuqtittivalliyunik qulliqtuutinik qauhimattiarniqmut ilihagtaghanullu.
- Ilalutik parnaiyaiyunut nutaanik qulliqtuqpallaangittunik ikluqpaghainik hanatqiktughainiklu ikluqpautinik qulliqtuqpallaarnaiyaqlugit.

TITIRAANGIT

Tamangnik GN-kut Havakviit atinnariaqaqtait hapkua kinguani tughirautaittunut titiraangit:

Nunavunmi Qulliqtuutinut Hanayauyughat



**HAVAKVIAT NUNALLAARNIK
KAVAMATKUNULLU IKAYUUTAIT
NUNAVUNMI QULLIQTUUTINIK**

- a. Aajjikkuhiqtuqlugit Kavamatuqakkut Kanatami Kavamatuqait Ikluqpautainut Havaaghat, Nunavunmi Qulliqtuutinut Hanayauyughat manighautinik atuqtitauniaqtut GN-kunnit taapkununga

Hivituyunik angirutitaarahuaqlutik taapkualu havainnarianighimayut qulliqtuutinik atannguyallu manikkut ikayuqtighat, hanayighat atuqtittiyighallu qulliqtuutinik hanayauyughanik.

- b. Havauhiit qulliqtuqpallaarnaittut akikittutiklu; taapkuatut iliurainiqmik qulliqtuqpallaanngittunik qullirnik, kayumiittumik kuviyunik imautit kuviviinik, ikluqpangnik munaqhitjutighanik, uqquuqtinik, nutaaniklu uunaqtinik.
- c. Tutquumayat maniutit munaqtauvangniat munaqtaulutiklu Nunallaarnik Kavamatkunullu Ikayuutit havaktiinit. Hivunighami qulliqtuqpallaanngittunit tutquumayat hapkunanga havaaghanit atuqtauvangniat akighautigilugit havaaghanut.
- d. Qanurininganiit kinguani naahuriyaulaat: nutaannguqtirutighat ikluqpautainik atuqhugit O&M-mut manighautit atuqtailiplugit maniit atuqtauyughat ahinut havaaghanut; O&M-mut akighivaalliutit qulliqtuutit ihumagiqlugit ahiquiyainiqmullu; qulliqtuqpallaaqtailinahuarinimiklu 20%-mik; ihuaqhivaalliqlugit iklumitanut; ikighivaalliqlugit uqquuyut kaassiliit anitaqtuq; qanuqlu.

Qulliqtuqpallaaqtailiniqmut Qauhimattiarniq Ilihaiyullu

- a. Qulliqtuqpallaaqtailiniqmut qauhimattiarniqmut aulapkaqtitauyuq GN-kut havaktiinit iliaqtunillu titiraqpangniat qaritauyakkut tuhaayaghanik, qaritauyakkuurutinik iliaqvighaniklu.
- b. Ikluqpangnik Atannguyaghaq Ilihaqvighaat iliaqtitauvaktuq ikayuqtigiighutik taapkualu Nunavunmi Ilihaqpaalliqvik ilihaitjutauniaqtuq ikluqpangnik atannguyaghanik atuqpaallirahuaqhugit havauhiriyait tajja ilittuqhailutiklu atuqtittilutiklu akikittunik akiittuniklu qulliqtuutinut havauhirnik.
- c. Hapkoa qanurininganiit naahuriyaulaqtut: Qulliqtuqpallaaqtailiniqmut qauhimattiarniq ilihainiqlu aghuupaktut iklumitanut ahiquiyaiyinuullu havattiarahuarinamik avatiit ihumagittiaqhugit; upluq tamaat havauhiita ikluqpangmiutat qulliqtuqtunut ihuilutaulaqtuq ikluqpangnit talvuuna ilihimattiaqtut katimaqatauyuktullu ikluqpangmiutat ikayuutauvaktut qulliqtuqpallaaqtailiniqmut; Ikluqpangnut Atannguyat Aulapkaiyillu havaktit iharianaqtut qulliqtuqpallaaqtailiniqmut, munaqtiuvakkamik huliyaqatunik ikluqpangnit, taimaalu ingilrutinik aulapkainiqmik, uqquumanianik, qanuqlu.



**HAVAKVIAT NUNALLAARNIK
KAVAMATKUNULLU IKAYUUTAIT
NUNAVUNMI QULLIQTUUTINIK**

Hanayut Qulliqtuqpallaaqtailiniqmut Ihivriughivingnik Nutaanut Hanayaghanut.

- a. Qulliqtuqpallaaqtailiniqmut taiguaqtaghat titiraqhimayut talvani *GN-kut Hanattiarniqmut Havauhittianut Makpiraaq* ilittuqhitivaghuni qulliqturniqmik ikluqpangni. Titiraqhimayulik havauhirnik ilihimayayunik akighilaarutauyut qulliqtuqniqmut.
- b. Hapkua maliktaghat atuqtauyughat hivunighami GN-kut hanayaghainut.
- c. Hapkua qanurininganiit naahuriyayughat: angiklivaalliqlugit aulapkaqtitauyughat hanayaghat, atuqpaklugit ilihimaliqitait qulliqtuqpallaaqtailiplutik hanayayunik, qulliqtuqpallianahuaqhugit akikittukkut; taimaa akighilaarahuaqhugit atuqpauhiinit akighait, qanuqlu.

MANIKTARVIIT

Maniktarviit ihariagiyayut ataagut hamna maligaghaliuqhimayuq pitquyauhimayut angiqtauplunilu Maligaliuqvingmit taimaalu hailiyauhimagumik manighait ihuaqtumit atuqtauvighaanit.

PILARUTAIT MALIGALIUQTIT

Hapkunani maligaghaliuqhimayuni ihumagiyaghaunngittuq nutqautitut pilaarutainut Maligaliuqtit ihumaliuriamik havaliriamiklu ihumagiplugit Nunavunmi Qulliqtuqpallaaqtailiniqmut Aulapkaqtitait.

TAIMAAQVIGHAAT

Una maligaghaliuqhimayuq atuqtauvaktughaq upluanit atiliqhivianit talvunga March 31-mut, 2025-mi.

Hivuliqti